

四庫全書

子部

# 欽定四庫全書

子部

證治準繩卷一百十六

詳校官太醫院司醫臣袁天錫

編修臣倉聖脈覆勘

總校官進士

臣

朱

鈐

校對官助教

臣

卜維吉

謄錄監生

臣

徐

漢

欽定四庫全書

證治準繩卷一百十六

明 王肯堂 撰

外科

疥

嚴子禮云夫痂疥之為病雖苦不害人然而至難可者多矣素問云諸痛痒瘡皆屬於心多由心氣鬱滯或飲食不節毒蘊於腸胃發見於皮膚古方有所謂馬疥水

疥乾疥濕疥種類不一生於手足乃至遍體或痒或痛或焮或腫或皮肉隱嶙或抓之凸起或膿水浸淫治之內則當理心血祛散風熱外則加以敷洗理無不愈

夫痂疥者皆由風熱而生遍體瘙痒搔之皮起或血出或水出結作乾痂其中有蟲人往往以針頭挑出狀如水內癘蟲此蓋由肌肉之間深受風邪熱氣之所致也  
凡瘡在上多服通聖散在下多以藏用丸下  
腫出血加血分濕熱藥  
凡疥瘡屬脾經濕毒積熱

或肝經血熱風熱或腎經陰虛發熱其體倦食少為脾  
經濕熱用補中益氣湯飲冷作痛為脾經積熱用清熱  
消毒散搔痒發熱為脾虛風熱用人參消風散搔痒作  
痛為風熱用當歸飲子便秘作痛為熱毒用升麻和  
氣飲熱渴便飲為脾肺虛熱用竹葉黃芪湯內熱晡  
熱或時寒熱屬肝經血虛風熱用加味逍遙散六味九  
體倦少食或盜汗少寢為脾氣鬱結用加味歸脾湯逍  
遙散地黃丸若發熱盜汗或吐痰口乾者為腎經虛熱用

六味丸料煎服 稽勲李龍岡遍身患此腿足為甚日  
晡益熾口乾作渴小便頻赤此腎經虛熱用補中益氣  
湯六味丸而痊 一儒者善嚏患痒余以為內有濕熱  
腠理不蜜外邪所搏也與補中益氣湯加白芷川芎治  
之不從自服荆防敗毒散盜汗發熱作渴熾痛膿水  
淋漓仍用前湯劑加麥冬五味而痊 一儒者患在臂脚  
日晡或痒或脹形體倦怠自服解毒藥患處發腫小便  
赤短此肺腎陰虛余用補中益氣湯加五味子麥門冬

而愈 一儒者患此候服尅伐之劑元氣虛而不能愈  
用補中益氣湯加茯苓其瘡頓愈又因調養失宜日脯  
益甚用八珍湯加五味麥門五十餘劑而愈 一男子  
色黧作痒出黑血日晡益甚其腿日腫夜消予以為氣  
血虛而有熱朝用補中益氣湯夕用加味逍遙散而愈  
一男子時病愈後所患如之用前藥補養而愈有同  
患用砭法出血而死此因陰虛血熱色黑作痒也何乃  
反傷陰血哉 一婦人久不愈身體熱此肝脾虧損而

虛熱先用補中益氣湯加川連炒山梔元氣漸復進以逍遙散而瘡漸愈若夜間譫語此熱入血分用小柴胡湯加生地黃治之血虛者四物合小柴胡湯熱退却用逍遙散以補脾胃生陰血亦有寒熱如瘡亦治以前藥

丹何

關

官生瘡小便黃用通聖散一錢半煎下黃精

丸

防風通聖散治風熱瘡疥久不愈

方見腫瘍



麻黃飲 治上體生瘡或痒或痛黃水浸淫結痂堆起  
蔓延於三陽之分根窠小帶紅腫此是濕熱症

麻黃

去根留節

防風

蒼朮

各半兩

陳皮

紫背浮萍

黍粒子

各七錢半

黃芩

四錢

滑石

一兩

羌活

石膏

火鍛六錢半

砂仁

荊芥

各二錢半

蒼耳草

生甘草

各三錢半

薄荷葉

半一錢

右以咀每服六錢水一鐘半猛火煎取六分入好酒  
四五滴去滓熱服須得通身有汗其瘡自安甚者服

至百服之後看汗出到何處若自上而下出過腳曲者其瘡自愈

拔毒散

局方

防風

一兩

甘草

二兩

芥穗

三兩

麥粒子

四兩

為粗末每服三錢水一盞煎七分去粗食後溫服

子和治頰鼻韓吉卿自髀至足生濕疥瘡大者如錢小者如豆痒則搔破水到則浸淫狀類蟲行雖暫愈而復

生癰痕成四十餘年不脫戴人晒之曰此濕疥瘡也由  
水濕而得故多在足下以舟車濬川大下十餘行一去

如掃

升麻和氣飲 治瘡疥發於四肢臂髀痛痒不常甚致  
增寒發熱攻刺疼痛浸淫浮腫及癰風入臟陰下濕  
痒耳鳴眼痛

蒼朮

貳兩

桔梗

去蘆

升麻

乾葛

各壹兩

新會陳皮

去白六錢

甘草

炙

芍藥

各七錢半

半夏

洗柒次

當歸

去蘆

白芷

茯苓

去皮各

貳錢

枳殼

麩炒  
去穢

厚朴

薑汁  
製

乾薑

各伍  
分

大黃

蒸半  
兩

右為㕮咀每服四大錢水一盞半生薑叁片燈心拾伍莖煎至柒分去滓食前服

枳殼散 治痂疥癢痺麻痺

枳殼

貳兩  
麩炒  
去穢

白蒺藜

半  
升

苦參

去  
蘆

蔓荊子

各壹  
兩

右為細末每服叁錢溫酒調下不拘時日進二服

枳殼丸 治一切風熱生瘡疥

枳殼

肆兩  
麩炒  
去穢

苦參

去蘆  
捌兩

右為細末煉蜜和搗三二百下丸如梧桐子大每服  
叁拾丸食後溫酒送下

苦參丸 治痂疥瘙痒

苦參

壹斤  
為末

皂角

貳斤

右用皂角將水壹斗浸為濃汁濾去粗用清汁熬成  
膏調和苦參末為丸如梧桐子大每服參伍拾丸煎  
荊芥酒送下或薄荷酒亦得不拘時候

赤小豆散 治乾疥

赤小豆

貳合炒乾  
如此七次

升麻

薏苡仁

黃芪

各柒錢半

人參

去蘆

白薇

麥穗

當歸

豬苓

去黑毛

防

風

去叉

甘草

各半兩

右為細末每服二錢匕日二夜一

脂調散 治疥瘡膿窠瘡神效

蛇床子

貳兩

蘭茹

草烏頭

荊芥

花椒

苦參

各壹兩

雄黃

硫黃

明礬

各半兩

右為細末豬脂調敷

掃疥散 治諸疥瘡熱瘡遍身瘡痒神效

大黃 蛇床子 黃連 金狗毛脊 生黃芪

苦參

已上六味各伍錢同  
研為細末入後藥

硫黃 水銀各四錢 枯礬

雄黃

黃丹

各二錢  
伍分

輕粉壹錢

大楓子

炒去殼

木鼈子

去殼各伍錢同前  
六味細末杵搗勻

右用生豬脂調洗浴後搽搯上此藥宜晒合之不見  
火塗瘡疥効如掃故名掃疥

秘傳一擦光 治疥瘡及婦人陰蝕瘡癩瘡天火丹諸

般惡瘡神効

蛇床子

苦參

蕪荑

各壹兩

雄黃

半兩

明礬

煨一兩二錢

硫黃

一錢半

輕粉

樟腦

各壹錢

大楓子

取肉

川椒

伍錢

右為細末生豬油調傳

又方

治證如前蕪小兒癩頭瘡治之

蛇床子

硫黃

黃礬

各壹兩

大楓子肉

川椒

雄黃

各半兩

枯礬

貳兩

輕粉

另研人貳錢

牛皮岸

蕪牛皮也如無

煙

以香燭

黃丹

各壹兩

岸代之



右為細末生豬油調傳

丹一上散 治諸般疥瘡或痛或痒或喜湯火烘洗者

蛇床子 畧炒 雄黃 別研 黑狗脊 寒水石 別研 白膠香 瓦

熬鎔過傾乾石頭上 白礬 黃連 各半 吳茱萸

硫黃 或錢半 蟹螯 拾肆枚

另研 去翅足

右為細末香油調傳治疥瘡先用蒼耳草或羊不食草藤濃煎湯洗去瘡痂然後用前藥傳可一次愈

又諸般瘡疥加減法 腫多加白芷開鬱 痛多加白

芷方解石 痒多加枯砒 陰囊瘡加吳茱萸 濕  
多香油調 乾痒出血多加大黃黃連豬脂調 蟲  
多加蕪荑錫灰檳榔藜蘆蟹蛰 紅色加黃丹 青  
色加青黛

羅簡茹散 治疥經年不瘥

水銀壹錢 好茶貳錢 簡茹叁錢 輕粉少許

右為細末每用不拘多少麻油調塗之

本事 治疥瘡不問新久方

白蕪荑

壹兩

吳茱萸

五錢

硫黃

三錢

研

右為末麻油調抓破指之

治疥癬以臘月豬脂不拘多少同生白礬杏仁加輕

粉搗爛擦之

陳無擇云杏仁輕粉最殺蟲甚妙

治疥癬瘡

春大發焦疥開鬱為主不宜抓破

白礬

吳茱萸

蛇床子

各貳錢

黃檗

生大黃

硫黃

各壹錢

寒水石

二錢半

樟腦

伍分

檳榔

壹個

輕粉

三錢

右為末豬脂油調搽

丹砂膏 治一切惡瘡疥癬痒不止宜用此藥殺蟲

硃砂

雄黃

雌黃

亂髮

白蠟

松脂

研末

各壹兩

藺茹為末

貳兩

巴豆

拾粒

豬脂

貳斤

右件藥先以豬脂煎亂髮令消盡次下巴豆蠟松脂煎十餘沸用綿濾去粗候稠即入雄黃硃砂等末攪令勻石器內盛不拘時候用少許摩塗之以瘥為度

巴豆膏

治一切疥瘡有蟲時作癢痒

巴豆

柒粒

無美

硫黃

研細

白礬

枯各半兩

豬脂

叁兩

右為細末煉豬脂成油入前藥末調和令勻每用蓮  
子大於手掌內搓塗之

神異膏 治一切瘡疥

雄黃

研細

蛇床子

錢叁

巴豆

柒粒

皂角

壹挺

輕粉

半字

全蠋

柒枚

黃蠟

半兩

清油

壹兩

右先用皂角全蠋已豆煎油變色丟了三味入黃蠟  
化開取出冷入雄黃蛇床子末輕粉和勻成膏先用  
苦參湯溫洗却以藥擦瘡疥上神効

白礬散 治一切疥

白礬

枯

硫黃

雌黃

並細研

胡粉

黃連

各壹兩

蛇床

子

七錢半

右為細末研令勻以豬膏和如稀麵糊每以鹽漿水洗拭乾塗之

苦參散 治一切疥及風瘙痒搔之成瘡

苦參 丹參

各肆兩

蛇床子

半斤

右為細末先以溫水洗瘡拭乾後敷之

治諸瘡結白痂復發

大蒜

另研

鼠糞

為細末以蒜研和如膏塗瘡上日二三次甚妙

苦參湯

苦參 蛇床子 荆芥穗

右為咀咀煎湯放溫洗

治瘡疥因風致腫

苦參 蛇床子 白礬

各二兩

右以水叁斗濃煮汁却入鹽壹把漬之淋洗其瘡腫  
日夜數次為妙

一笑散 治渾身疥癩生惡瘡

檳榔 藁本 硫黃 蛇床子 枯礬 五倍子

白膠香

各等分

右為細末濕者乾傳乾者香油調傳如頭上瘡便搽  
上不用剝甚者不過三五次平復如故

神捷散 治諸疥瘡



吳茱萸

白蒺藜

各壹兩

白蕪荑仁

輕粉

各五錢五分

赤小豆

肆拾玖粒

石硫黃

少許研

右為細末研勻每用半錢匕生油調於手心內摩熱後徧指周身有疥處便睡睡覺其疥自愈

### 殺疥藥

羊蹄根

生切壹兩

草烏頭

壹個

硫黃

壹錢

白礬

半錢

生薑

壹分

右以米泔水淹一宿研極細入醋和勻入浴時抓破瘡傳之遲頃以溫湯洗去妙

治疥神効

狼毒

細辛

水銀

各壹錢

輕粉

半錢

右為細末油蠟和剗作兩丸綿裹兩手將於周身疥多處擦之

葛氏療疥瘡方

右取棟根削去上皮切皂角去皮子等分熟搗下篩脂膏和搔疥去痂以塗之護風勿使女人小兒雞犬見之

熏疥方

明信

雄黃

各半錢

椒目

壹錢

右研細用紙以方尺熟艾攤平摻勻捲成長錠瓦兩口合紙捲子火點慢慢煙薰被下緊擁衾被油塗眼耳口鼻小兒只空衣蓋被卧亦効宜淨室溫床牢擁衾被無令透烟以薰至其入口鼻為効

治癰疥濕瘡浸淫日久痒不可忍搔之黃水出瘡後復發取羊蹄根生切二兩搗爛以大醋和先洗淨傳上一

時再以冷水洗之日一傳藥如法洗之妙

千金翼

治疥瘡羊蹄根和豬脂塗上或著鹽少許妙

千金翼

偏身風痒生瘡疥茵陳煎湯濃洗立安

千金翼

又有人患偏身生熱毒瘡痛而不痒手足尤甚至頸而止粘著衣被通夕不得睡痛不可忍有下俚教以菖蒲三斗冬日乾之春羅為末布席上使病瘡人恣卧其間仍以衣被覆之既不粘衣被又復得睡不五七日其瘡如掃應手神驗

乾疥乾疥者但搔之皮起作乾痂此風熱氣深在肌肉間故也

秦朮丸 治遍身生疥乾痒搔之皮起

秦朮去蘆土 黃耆 苦參各去蘆 生大黃各甞兩 漏蘆

防風各去蘆 黃連各壹兩半 烏蛇肉

右為細末煉蜜和搗三二百下丸如梧子大每服叁拾丸食後溫酒送下

皂角膏 治皮膚風熱生疥乾痒

猪牙皂角

巴豆

去皮

烏頭

生

吳茱萸

硫黃

為細末

膩粉

白礬

枯

黃蠟

已上各貳錢半

右為細末研令勻先入清油三十合以慢火消蠟了攪和令勻日用三二次塗之

治疥瘡生乾痂瘙癢不止

硫黃

貳錢半為末

巴豆

黃蠟

各半兩

豬脂

壹斤

右先煎豬脂令沸入巴豆煎候黃次下蠟鎔開方下硫黃末攪令勻盛於甕合內日三五度塗之

一上散 治風痺裂折燥瘡

苦參

壹兩

白芷

煅硝

枯礬

各半兩

荊芥穗

錢叁

寒水

石

煨貳兩

白芨

錢叁

右為末油調搽

濕疥夫濕疥者起小瘡皮薄常有黃水出此風熱毒氣入皮膚間故也

烏頭散 治濕疥常有黃水瘙痒不絕

川烏頭 藜蘆 馬蘭根 石菖蒲 杏仁

各伍錢

苦參

硃黃

研細

膩粉

白礬

枯各半兩

右為細末研令勻用時先以桃湯洗拭乾後以油漿水和塗之三日一塗不過三兩上瘡

黃連散

治濕疥有黃水皮膚瘙癢

黃連

貳兩

蛇床子

半兩

赤小豆

糯米

胡粉

各壹錢伍分

水銀

壹兩半

右件為細末以生清油和研候水銀星盡如膏旋取塗之



治濕疥遍身

黃檗

綠礬

膩粉

硫黃

細研各等分

右為細末研令勻用生油調塗之

又方

皂角

硫黃

各二兩

右為細末以醋貳升熬為膏塗之

暴疥元希聲侍郎治卒發疥祕驗方用石灰隨多少和醋漿水調塗隨手即減一法用石灰炒紅出火氣香油

調傳

又方

淋石灰汁洗之

孫真人

久疥木香散

實繼

治多時不斂一切惡瘡此散能生肌

肉止痛

木香

檳榔

黃連

各半兩

白芷

錢叁

已上同為細末先洗淨每日一遍乾貼有水出勿怪

未効又貼

又方同上加地骨皮為細末先於瘡口

上用溫漿水洗濕挹乾後上藥治之効不可述暨治

下疳瘡神効

丹諸瘡疥久年者千年韭根炒存性末之猪油調傳三  
次

多年惡瘡不瘥或痛痒生皰爛研馬糞并齒灰傳上不  
過三兩遍効武良相在足脛有瘡痛不可忍得此方

便瘡

兵部  
手集

丹風瘡久不瘥燒狐蔣末傳之

按本草狐蔣  
即野茭白

沙瘡丹溪云沙瘡殺蟲為主

蕪荑 寒水石

黃檗

錢各二

蛇床子

錢叁

白礬

枯飛過

明礬 剪草 吳茱萸

錢各壹

蒼朮

厚朴

雄黃

錢各半  
輕粉 拾

世治沙瘡山蟻窠黃荊葉雉雞毛等分燒存性為末香

油調傳

又方用陳年船底灰搗細篩過桐油調傳立効

又方治沙瘡用水蒿莖燒灰存性香油調傳立愈水多

者乾傳

水蒿莖如百合狀生水邊七八月結子又如雞蘇狀

癰瘡夫癰瘡者由腠理虛風濕之氣入於血氣結聚所  
生也多著手足遞相對如新生茱萸子痛痒爬抓成瘡  
黃汁出浸淫生長坼裂時差時發變化生蟲故名癰瘡  
也

漏蘆散 治風癰瘡熱腫

漏蘆

去蘆

川升麻

木通

去皮

赤芍藥

炙甘草

各一兩

防風

一兩一錢

羌活

去蘆

枳殼

去穰

川朴

各二兩

右為呖咀每服伍錢水壹大盞煎至陸分去滓食後

溫服

治熱毒風生癰疥

螺殼

陳腐者一兩

亂髮

燒灰

龍膽草末

胡粉

各一兩

右件為細末研令勻用清油脚調塗之

治濕癰瘡

胡燕窠

壹枚最大者用抱兒子處餘處不用

右為細末先以水煎甘草及入鹽少許淨洗乾便以窠末敷之三兩上便瘡若患惡刺以醋調成膏敷貼

日用二度

又方

生韭

一握切研

右用溫酒五合浸良久以布絞取汁塗搯瘡上日三四度用之

治乾癩濕癩疥癬

右取連根生蔥白豬脂和搗塗之

夫病瘡積久不瘥者由膚腠虛則風濕之氣停滯蟲在

肌肉之間生長則常痒痛故經久不差也

藜蘆膏 治諸瘍瘡經久則生蟲

藜蘆

松脂

研細

苦參

雄黃

研細

白礬

枯各用二兩研

右件先搗藜蘆苦參為麤末入猪脂壹斤相和煎十餘沸綿濾去粗次入松脂雄黃白礬等末攪令勻待冷收於甕合旋取塗之以差為度

治瘍瘡經年久不差宜用之

薰陸香杏仁

各半兩

硫黃

研細

膩粉

各貳錢半

黃蠟

壹兩

清



油貳合

右件細研如粉先熬清油沸下蠟令消次入諸藥末同煎如稀膏候冷取於瓷器中旋取塗之

苦參湯洗方

地榆 桃皮

苦參

各伍兩

右件藥並細剉以水貳斗煮濾去粗稍溫每日一度洗之甚妙

玉手疥 勞宮

灸

太陵

灸

世瘡疥頑癬

絕骨

三里

各寸半

問使

解溪

各伍分

血却

參寸  
瀉

集渾身生瘡疥

曲池

合谷

三里

絕骨

行間

委中

甲疥癬

陽谿主之

癬

病源論云癬發之狀皮肉癰疹有如錢文漸漸長盛或圓或斜痒痛有匡闌癬内生蟲搔之有水此由風濕

邪氣客於腠理復值寒濕與邪氣相搏血氣閉澀則發此疾 風癬者是惡風冷氣客於皮折於血氣所生亦作圓文匡闌但抓搔頑痺不知痒痛內亦有蟲 又有逸風瘡生則遍體狀如癬疥而痒此由風氣逸於皮膚因名為逸風瘡也 乾癬者但有匡闌皮枯索痒搔之白屑起是也亦是風濕邪氣客於腠理復值寒濕與血氣相搏所生若風毒氣多濕氣少故風痒濕少故無水名為乾癬中亦有蟲 又有白癬其狀白色而痒此由

腠理虛而受風風與氣并血澁而不能榮肌肉故也

濕癬者亦有匡闌如蟲行浸淫赤濕遇痒搔之多水

成瘡蓋風毒尚淺濕氣偏多而為濕癬中亦生蟲

丹溪云治癬用防風通聖散去芒硝大黃加浮萍皂角

刺

又方 治癬用

浮萍

壹兩

蒼耳

蒼朮

貳兩

苦參

壹兩

黃芩

半兩

香附

貳兩

半

右為末酒調服或酒糊丸

何首烏散

羅氏

治脾肺風毒攻腫遍身癰成癰疹搔破

之成瘡或項背拘急肌肉頑痺手足痠裂風氣上攻  
頭面生瘡及治紫癰白癰頑麻等風並宜服之

荊芥穗

蔓荊子

威靈仙

何首烏

甘草

炙

防風

蚵蜋草

各等分

右搗羅為末每服壹錢食後用溫酒調下沸湯亦得

白蒺藜散 治一切癰及疥風痒癰瘡等疾

白蒺藜

秦朮

去蘆土

枳殼

麩炒去穢

獨活

防風

並去蘆各

兩

人參

苦參

玄參

丹參

沙參

已上五參並去蘆

甘菊花

梔子仁

黃芩

茯神

去木

茅萸

細辛

去苗麻黃

去節各

烏蛇

肆兩酒浸取肉

右為細末每服貳錢食前溫酒調下

苦參丸 治肺毒邪熱生瘡疥癬並宜服之以苦參一

味為細末粟米丸如桐子大每服伍拾丸空心溫

水飲湯送下

苦參丸 治一切癬皮膚瘙癢

苦參

去蘆壹斤半剉

菖蒲

肆兩烏蛇捌兩酒浸取肉

右為細末煉蜜和搗三五百下丸如梧桐子大每服  
叁拾丸熟水送下不拘時候

三神丸 治一切癬

蒺藜

炒

海桐皮

剉

草烏頭

鹽炒熟去鹽不用各壹兩

右為細末麵糊和丸如菴豆大每服拾丸加至拾伍  
丸溫酒鹽湯送下

胡粉散 治一切癬瘡瘙癢甚者

胡粉

別研

雄黃

別研

硫黃

別研

各壹錢半

大草烏

叁錢

生用

蟹螯

壹個

去翅

蠍稍

叁錢

麝香

叁分

右為細末先用羊蹄根醯醋擦動次用藥少許擦患處

銀粉散 治一切頑癬

輕粉 黃丹 白膠香 瀝青

各等分

右為細末麻油調拭淨或用破竹篦挑搽一次便



乾數次剝去殼用治頑皮癬如神

八寶散 治風癩松皮頑癬久不愈者一鄉人患此疾

數年不愈後得此方試用有效

藿香 破故紙 檳榔 大腹皮 雄黃 輕粉

硫黃 白礬

枯各壹兩

右為細末小油調傳日上三五次痒則擦之

五倍子散 治癬久不瘥

五倍子

壹兩火燒烟盡

黃檗

剉

當歸

剉炒

膩粉

漏蘆

去蘆淨

白礬

煨各壹分

右為細末先用鹽漿水洗拭乾敷之

丁香散 治一切癰

丁香

研

蝦蟆灰

各一兩

麝香

研貳錢半

白礬

煨火熟令汁研為細末

五倍子

研

膩粉

研各半兩

右研勻乾傳癰上以瘡為度

水銀膏 治一切癰

水銀

貳錢半

蕪荑仁

研末

薑黃

研末各半兩

酥

貳兩

右先將酥和水銀以柳椎研攪候水銀散即下蕪荑  
薑黃末攪勻磁盒盛旋取塗癬上日三二次

定粉膏 治乾濕癬風癬不拘年月

定粉 水銀 蕪荑 胭脂

各壹分

右同研勻用陳猪脂壹兩同研成膏先用湯洗後以  
膏子臨卧塗之一上便瘥本法猪脂須用三年以上  
者今若無但陳亦可仍用後方洗

棟實

半升如無實以根皮代之

棟葉及嫩枝

細判

凌霄花及藤

細判

各壹升 枳殼去穢 蛇床子 地榆 丹參 槐英並細剉

苦參各叁兩

右同煎濃汁熱洗患處

黃連膏 治一切久癰積年不瘥四畔潛侵復變成瘡  
起泡赤黑痒不可忍搔之出血

黃連去鬚 黃檗去粗皮 鼓研細 蔓菁子 杏仁湯浸去皮尖雙仁細

研各半兩 水銀壹錢

右先以水銀於掌中唾研如泥次入乳鉢內下生油

壹合和勻次入藥末同研成膏磁盒盛日三五度塗瘡上

癬瘡方 槿樹皮不犯銅鐵每貳兩入蘆薈叁錢白芨叁錢細研為末刮癬出血用好醋調傳雖痛却一傳可愈

一方用

蘆薈 大黃 輕粉 雄黃 蛇床子 槿樹皮 檳榔

右先刮破癬用醋調藥末塗之

治癬用槿樹皮加巴豆斑蝥為細末又加生砒少許水調傳

治癬積年不瘥者

右用蟹螯壹個去頭翅足以針割燈焰上燒米醋內淬如此三兩次就燒成存性黑灰研為細末用紅棗壹個湯泡剝去皮核與蟹螯一處同研爛先以手抓或生布擦動癬然後搽藥不可侵好肉恐有毒

治牛皮癬用清香油壹兩入全蝎七枚巴豆貳拾枚蟾蜍拾枚同熬候色焦者先去之去了入黃蠟壹錢候鎔収起朝擦暮愈不損皮肉

又方

綠蘿根

不拘多少

花椒

壹兩

信

些少

防風

白芨

百部

白斂

各半兩

江子

十五粒

右各為末和綠蘿根搗熟成團將藥於癬上擦之

候痛過洗浴

又方一味綠離根去粗皮取細皮貼肉者搗爛用醋調塗癬上立愈

治癬用藜蘆細搗為末生油調傳

治癬神効

藜蘆根

半兩輕粉貳錢半

右為細末涼水調搽癬上

簡要濟衆治癬疥久不瘡羊蹄根搗絞取汁用膩粉少許調如膏塗傳患處三五遍即瘡如乾即用猪脂調和



傳之

取楮皮枝中白汁塗癬甚妙

治癬濕痒用楮葉半斤細切搗傳癬上

經驗方 治五種瘡癬以韭根炒存性旋搗末以豬脂調傳之三五度瘡

又方患癬瘡搗山豆根末臘月豬脂調塗之

半夏散 治一切癬

右以半夏三兩搗為末以陳醬汁調和如糊摩塗

癰上日兩三度即瘥

東坡先生家藏方

決明子

不以多少  
為細末

右用水銀輕粉少許與藥末同研為膏散以物擦  
破癰上用藥傳之立瘥

鯽魚膏 治諸癰瘡或乾或濕痒痛不可忍

鯽魚

大者  
壹尾

鬣髮

如雞子  
大貳枚

豬脂

半  
斤

雄黃

壹兩

硫黃

壹兩

右件藥先煎豬脂令沸即下魚煎令烟盡次下髮令

銷濾去粗下雄黃硫黃末攪令勻於甃器中不拘時候塗之以瘡為度

凌霄花散 治風濕魚熱生諸癰久不愈

凌霄花 黃連 白礬

各貳錢半

雄黃 天南星

羊蹄根

各半兩

右為細末抓破用生薑汁調藥擦之如癰不痒只用清油調藥立効

昨葉荷草散 治一切癰無問風濕氣血與夫相染

而生並宜用之

昨葉荷草

即瓦上晒乾壹兩

枯白礬

壹錢

雄黃

半錢

右為細末用羊蹄菜根先蘸醋擦癬上令痒破即用藥末乘濕塗敷不過兩三次即愈

是齋 治諸癬

貫衆 吳茱萸 官桂

各等分

右為細末先用手抓破用藥擦之米醋調敷亦得  
砒霜散 治諸癬不問乾濕積年不瘥

砒霜

貳錢半研

硫黃

研

蜜陀僧

研

膩粉

各貳錢半研

右件同研令勻如癬乾即用生油調塗若癬濕即用搽之

治癬疥瘡痒不可忍

皂角

叁挺煨去皮子

黃連

半兩為末

膩粉

貳錢半

右將皂角為末用米醋貳大盞同煎如稀餲用綿濾去粗入黃連末膩粉令勻候癬發時惡水出便可先用構樹白皮搔破後塗藥三兩上便愈

治疥癬 用松膠香研細約入輕粉和勻凡疥癬上先用油塗了錯末一日便乾頑者三兩度

治癬瘡 取蟾蜍燒灰為末用猪脂和敷之

戴院使云瘡如牛皮模樣痒甚不可忍者又疼用黃連木香黃檗皮杉木節貳個明礬少許以上各等分為末用好真香油調塗大効

風癬烏蛇丸 治一切風癬多年不瘥者

烏蛇 酒浸去骨 白附子 炮 附子 小便浸一宿 天麻 各一兩

炒羌活

乳香

殭蠶

炒各壹兩半

苦參

拾兩半

槐花

半斤

右為細末用生薑汁壹斤蜜壹斤二味同熬成膏入藥和丸如梧桐子大每服三四十丸空心用溫酒送下夜晩荆芥湯送下

白花蛇丸 治風癰瘡皮膚搔痒久不瘥

白花蛇

三兩酒浸

苦參

去蘆二兩

麥門冬

一兩半去心

黃芩

用酒炒

防風

白鮮皮

甘草

炙

枳殼

去穰炒

梔子仁

炒令黑

赤芍藥 川大黃 蒼耳子

羌活

去蘆

黃芪

剉去蘆

白蒺藜

各五兩

右件為細末煉蜜和搗三五百下丸如梧子大每服叁拾丸食後薄荷酒送下

本事烏頭丸

治風癰妙

方見紫白癰風

宣風換肌散 治一切風癰疥瘡疔瘡風瘡

甘草

炙

黃芪

當歸

各壹兩

川黃連

黃芩

各酒浸炒

大力子

炒

防風

白芷

荊芥穗

川芎

揀大塊切片

烏蛇肉

各半兩

羌活

蒼朮

何首烏

全蝎

拾枚炒



右為細末酒調服茶清亦可每服貳錢

雄黃膏 治風毒疥癬

雄黃

細研

膩粉

研

白礬

枯

川椒

藜蘆

各貳錢

附子

泡去

皮

右為細末八乳鉢內再研如粉用煉了臘月豬脂半斤黃蠟貳兩淨鐺內慢火煎候蠟銷傾於甕合內入雄黃等末攪勻每日四五度取少許敷塗之

硫黃散 治風毒癬偏身皆生癢痒

硫黃

研

雄黃

研

硃砂

研細

麝香

研細

吳茱萸

附子

生用

各貳錢半

芭豆

去皮

川椒

各壹錢

右為細末同研令勻先用新布擦癬令水出便用

醋調塗之不過三兩上即瘥

治風癬及寒熱瘡疥

韭根

收多年者

藜蘆

瓜蒂

白礬

雄黃

水銀

胡粉

各貳錢半

右先將雄黃白礬胡粉研極細却入水銀用柳木槌

研勻用猪脂壹斤將韭根藜蘆瓜蒂煮數沸去粗  
放溫調前藥塗瘡大有神效

祛風白芷散

見面部  
而瘡

丹參湯 治風癰癢痒洗浴

丹參

去蘆

蛇床子

各三兩

苦參

伍兩

白礬

二兩  
細研

右除白礬外餘為麤散用水叁斗煎取二斗濾去  
粗入白礬攪令勻乘熱於無風處洗浴用水冷為度  
拭乾了用藜蘆末粉之相次用之以瘡為度

乾癬治乾癬痒痛不止

草烏頭

狼毒

各三錢半

蟹螯

七個去頭足翅

右件生用為細末用唾津調用竹篦子刮破塗藥熱擦入肉候出黃水三兩日即瘡

又方

蟹螯

五月五日取拾枚

麝香

半錢

同研為細末醋調塗癬上出少黃水瘡

又方

川烏頭

二枚  
生用 乾蝎 伍  
個

為細末面油調作膏

治乾癬積年不痂搔之黃水出每遇陰雨即痒

巴豆

拾  
粒

右於炭火燒之令油出盡即於乳鉢內用少許酥和  
研如膏薄塗之不過一兩度愈

又方 用狼毒醋摩塗之

又方 蟹螯半兩微妙研細末蜜調薄敷即瘥

羅氏柏脂膏 治乾癬

柏油

壹斤

黃臘

半斤

杏仁

四拾五粒剉碎

朴硝

壹抄

右件相和於鐵器內用老生薑蔥白參根一順攪  
五七次煎沸濾過成膏於瘡上搽之

一抹散 治乾癬不瘥

天南星 草烏頭

各一枚  
生用

為細末用羊蹄根搗絞取汁調塗不過三上瘥

濕癬癬在頸項間後延上至耳成濕癬他治不應以

蘆薈一兩甘草末半兩和勻先用濕漿水洗癬拭乾

傳之神妙

劉禹錫方一名蘆薈散

硫黃散 治濕癬痒痛不可忍

硫黃

半兩

膩粉

二錢半

龍腦

一錢半

蟹螯

半兩

右件藥同研細如粉用面油調如泥痒痛時抓破  
後用藥擦之立瘡

又方

烏梅

十四枚用肉

大蒜

十四顆

梁上塵

二合

右件相和入鹽三合熱搗用醎醋一升浸一宿塗於瘡上即瘥

黃連散 治癰濕痒不可忍

黃連 黃檗

胡粉

各一兩  
研細

雄黃

半兩  
研細

右為細末同研令勻先用溫漿水洗瘡然後取藥敷之不過四五度即瘥

治濕癬白禿

右取馬齒莧膏塗之若燒灰敷之亦瘥



孟詵云蕪荑和蜜 治濕癬

治濕癬方

黃連

明礬

煨各半兩

胡粉

黃丹

水銀

各二錢

右為細末用猪脂油一兩夾研令水銀星盡以磁盒收用

螺殼散 治濕癬痒不可忍

螺殼

一兩

亂髮灰

龍腦

胡粉

研各二兩

右為細末研勻以油淀和塗之

荊芥散 治多年濕癬

荊芥穗

不拘多少以瓦礫盛鹽泥固濟只留一竅用炭火燒候出青烟便去火用濕帛塞了

竅放冷取出  
研細末半兩

又方木香

一錢膩粉

五錢

右研勻先以口含鹽漿水抓洗瘡令破絹子揩乾了  
以生油調藥傅之

羅祛濕散 治多年濕癬大有神効

蠶沙

四兩

薄荷

半兩

為細末每用不拘多少乾摻瘡上或用生油調搽  
子和一女子年十五兩肢間濕癬長三四寸下至膝發  
痒時爬搔湯火俱不解痒定黃赤水流又痛不可忍  
用炳薰漂硫黃藺茹白僵蠶羊蹄根之藥皆不効其  
父母求療於戴人戴人曰能從予言則瘡父母諾之以  
鉋針磨尖快當其痒時於癬上各刺百餘針其血出  
盡煎鹽湯洗之如此四次大病方除此方不盡以告後  
人恐為癬藥所悞濕淫於血不可不砭者矣

灸法日中時於病處影上三炷灸之咒曰癰中蟲毛戎戎若欲治待日中

又法八月八日日出時令病人正向東面戶內長跪平舉兩手持物兩邊取肩頭小垂際骨解宛穴中灸之兩火俱下各三壯若七壯十日愈

浸淫瘡

浸淫瘡者淺搔之蔓延長不止搔痒者初如疥搔之轉生汁相連著是也仲景云從口流向四肢者可治四肢

流來入口者不可治 運氣浸淫皆屬火經云歲火大過甚則身熱膚浸淫是也

升麻湯 治心有風熱生浸淫瘡偏體

升麻

大黃

剉微炒

黃芩

去黑心

枳實

麤炒

白芍藥

各一兩

當歸

切焙

甘草

炙各半兩

右剉碎每服五錢匕水一盞半燈心一握煎至一盞去滓空心溫服

白羊鬚方 治面上耳邊生浸淫瘡有黃水出久不愈

白羊鬚 荊芥

乾棗

去核各二錢

右燒灰存性研勻入膩粉半錢同研極細每用少許清油調搽先以溫湯淨洗拭乾塗藥三二次効亦治大人兩吻生瘡

雞冠血塗方 治卒得浸淫瘡不早治則遶身周匝能殺人外臺云浸淫瘡轉廣有汁多起於心

右以雄雞冠上刺血傳之日三五度

簡要濟衆方浸淫瘡痛不可忍者發寒熱刺薊末水調

傳瘡上乾即易之

又方

鯽魚

一尾長  
三寸者

豆豉

一合

右杵如膏塗之亦療馬鞍瘡

又方

苦瓠

一兩  
蛇退

燒半兩

露蜂房

微炙  
半兩

梁上塵

右為末油調塗

又方

伏龍肝

七錢半

亂髮

燒七錢半

右為末猪脂和塗

又方以雞冠血和黃連末塗煎鯽魚膏塗生切鯽魚片和鹽貼燒胡燕窠水和塗

山妻年五十舊患發頤之處腠理虛疎每食則汗出成流一日忽成浸淫瘡濃汁所至輒皮破肉腐傳銀粉黃連黃丹枯礬之屬皆不驗用猪膽汁調蘆薈末塗之濃水即乾而愈



熱汗浸漬成瘡玉粉散

七寶散

並見瘡  
癰子門

天庖瘡

天庖瘡即丹毒之類而有庖者由天行少陽相火為病  
故名天庖為火熱客於皮膚間外不得發洩熱血液結  
而成泡如豌豆瘡根赤頭白或頭亦赤隨處而起若自  
裏達於外發在春夏三焦俱熱則服通聖散若止從  
頭項兩手起者此上焦熱也則服涼膈散若從身半已  
下起者則服黃連解毒和四物湯若發於秋冬則宜

升麻葛根犀角或加槲苓一二味外傳如馬齒莧吳藍  
赤小豆苧根之類皆解毒消腫可用於初起之時或蚘  
殼或龜甲水龍骨各煨存性則收濕熱生肌可用於  
浸淫之後

瘰

瘰小瘰世謂之熱瘰是也王註云大如酸棗或如豆色  
赤而內有膿血也

海藏云汗出見濕乃生瘰癧癧為瘡瘰也

勞汗當風寒薄為皸皸乃瘰 瘰色赤膜內有濃血  
旋覆花丸

旋覆花三兩 防風 白芷 甘菊花 南星 半夏

石膏 川芎 陳皮 白附子各半兩 蝎稍 僵蠶

炒各三錢

右件末薑汁糊丸梧桐子大薑湯下三五丸食後服

黑末子 治瘰毒

用羊角連內骨燒存性為末酒調三錢分上下服之  
瘡可散

按此方未嘗用服蓋秘方也常治面上或身卒得  
赤癰或痒或癰毒不治殺人以殺羊角燒存性研令  
極細末以雞子清調塗之甚効本草亦云然

瘡癰子

千金云凡熱瘡起便生白膿即今俗名膿窠瘡是也其  
初起即淺但出黃汁名肥瘡又名黃爛瘡初作亦如肥

瘡喜著手足常相對生隨月生死痛癢坼裂春夏秋  
冬隨瘡劇者名癰瘡治法已見疥門

膿胞瘡 治熱為主

黃芩

黃連

大黃

各三錢

蛇床子

寒水石

二錢

黃丹

五分

白礬

一錢

輕粉

白芷

無名異

各少許

木香

少許痛者加

右為細末麻油調塗

又方

蕎麥麵

一兩 硃黃

八錢

水銀制鉛

一錢

或油或豬膽

汁調搽

白蒺藜散 治熱毒瘡癰痒心 神壅躁

白蒺藜

炒去刺

白鮮皮 防風

川大黃

炒

赤芍藥

梔子仁 子芩 麥門冬

去心

玄參

枳梗

去蘆

甘草

炙赤

前胡

去蘆各一兩

右為細末 每服二錢 食後用薄荷湯調服

蜜陀僧散 治熱毒惡瘡臭爛久不生肌

蜜陀僧 雄黃 雌黃 定粉

各半兩

膩粉

三錢

右為細末先用柳枝一握生甘草一兩搥碎以漿二升煎六七沸去滓稍熱淋洗瘡淨拭乾傳之

白金散 治風毒攻注遍身及手足生熱瘡疼痛出黃水

用桂府滑石為細末先用虎杖甘草豌豆各等分約半兩許水二碗煎上項藥至一碗去滓微熱淋洗瘡水冷拭乾上摻滑石末令通身便睡至明決愈

玉粉散 治熱汗浸漬成瘡腫痒炊痛

定粉

一兩 蛤粉 九兩

白石脂

白龍骨

石膏

各半

滑石

八兩

寒水石

燒通赤放淨地上 冷出火毒一兩

粟米粉

二兩

右為細末研勻每用些少乾摻濕處

七寶散 治熱汗浸漬成瘡痒痛不止

黃芪 當歸 防風 荊芥穗 地骨皮 木通

各二兩 白礬

一兩

右為細末每用藥一兩水三大椀煎五六沸濾去



滓稍熱淋漂患處避風少時

赤石脂散 治癰子磨破成瘡用此止痛生肌

赤石脂

細研

黃檗

去粗皮剉

臘茶末

各半兩

白麪

二兩

龍腦

半錢

另研

右為細末研勻每用時綿搥撲之

龍腦粉方 治癰瘡痒痛

龍腦

一錢研

粟米粉

五兩

右研勻先用棗葉湯洗後用綿搥撲之

玉女英 治癰瘡痒痛

滑石

半兩  
細研

萊豆粉

四兩  
微炒

右研勻以綿搵撲之一方有棗葉一兩

棟花粉傳方 治癰子瘙痒

右用苦棟花不拘多少焙乾為末入蚌粉滑石末  
各少許研勻日頻傳之

治暑月汗漬腋下生癰瘡

右取蠟雪水和蛤粉傳之

戴院使治癩子用香撲粉入朴硝末如常撲使更入少許枯礬末

治熱癩瘡偏身如蠶子用不灰木棗葉為末瘡上搽之即止 又法用茨菰葉陰乾為末傳之 又方用臘雪以瓶收貯遇生癩時以所化水塗傳 又方用黃瓜切斷擦癩子上即安 又方用棗葉煎湯浴之 又方用蚌粉四兩菜豆粉二兩滑石一兩為末乾擦之

瘡癰

夫人陽氣外虛則多汗汗出當風風氣搏於肌肉與熱氣并則生瘡癰狀如麻豆甚者漸大搔之則成瘡也  
羚羊角散 治風熱皮膚生瘡癰痒痛

羚羊角

屑

烏蛇肉

酒浸

川大黃

酒浸

玄參

去蘆

各一兩

枳殼

去穢炒

白蒺藜

甘草

各半兩炙

秦艽

去蘆

防風

去蘆

各七錢半

右件咬咀每服五錢水一中盞煎至七分去粗入牛蒡根汁半合更煎一兩沸溫服不拘時候

秦朮湯 治風熱毒氣客於皮膚徧身生瘡癰如麻豆

秦朮

去蘆一兩

防風

去蘆

黃芩

麻黃

去節

甘草

炙

玄參

去蘆

犀角屑

牛蒡子

炒

枳殼

去穰麩炒

川升麻

各七錢半

右件咬咀每服五錢水一中盞煎至七分去粗溫服

不拘時

當歸飲子 治心血凝滯內蘊風熱發見皮膚徧身

瘡疥或痒或痛或膿水浸淫或發赤疹瘡癰

當歸

去蘆

白芍藥 川芎

生地黃

白蒺藜

防風

去蘆

荊芥穗

各一兩

何首烏

去蘆

黃芪

去蘆

甘草

炙各半兩

右呔咀每服四錢水一盞半薑五片煎至八分去粗

溫服不拘時

烏蛇散 治風熱徧身生瘡癰瘙瘡

烏蛇肉

酒浸二兩

羌活

去蘆

白鮮皮 桂心

炙甘草

枳殼

去穰炒

蒲黃

炒

蔓荊子

川芎

當歸

去蘆各半兩

天麻 麻黃

去節

秦朮

去蘆

牛蒡子

炒

藁本

去蘆

白殭

蟬

炒各七錢半

右為細末每服二錢溫酒調下不拘時

荊芥散 治風熱皮膚瘙癢生瘡癰

荊芥

赤茯苓

去皮

苦參

去蘆各一兩

蔓荊子

天麻

人參

去蘆

防風

獨活

各去蘆

枳殼

煨炒各半兩

牛蒡子

炒

黃芩

各七錢半

烏蛇肉

二兩酒浸

右為細末每服同前法

防風散 治風瘡癰

防風

去蘆

杏仁

剉炒另研為泥

白殭蠶

炒各二兩

甘草

炙一兩

右為細末每服三錢空心蜜水調下或溫酒調服  
亦得日進二服

牛膝散 治風痞癰

右用牛膝酒浸搗為末每服二錢食前溫酒調下  
兼治骨疽風癰皆効

蒺藜散 治風瘙痒生瘡癰

白蒺藜 秦艽

去蘆

赤茯苓

去皮各一兩

羌活

苦參

並去

蘆黃芩 細辛

去苗各半兩

枳殼

七錢半去穢炒

烏蛇肉

三兩



浸酒

右為細末煉蜜和丸如梧桐子大每服三十九溫  
蜜湯送下不拘時候

黑龍丸 治風毒上攻頭面多生痞瘤

羌活

去蘆

薄荷葉 蔓荊子

細松烟墨 獨活

去蘆

各一兩

川芎

甘草

炙

白附子

炮

山梔子

白芷

防風

去蘆

荊芥穗

天南星

薑製

草烏頭

生

白殭蠶

炒

川烏頭

炮去皮  
各半兩

右為細末煉蜜和丸每一兩作十九每服一九細嚼  
茶湯或溫酒送下食後服

莽草膏 治風瘙痒皮膚生瘡癰

莽草

一兩

當歸

去蘆

芎藭

大戟

去皮

川椒

生附子

細辛

去苗

赤芍藥

芫花

躑躅花

蒴藿

各三兩

右細末用醋三升浸一宿用猪脂三斤同煎令附子  
色黃為度綿濾去粗每塗摩病處日三五上

治風瘙痒皮膚生瘡癰瘰之成瘡宜用此粉身即瘥

芎藭 麻黃根 判 白芷 各三兩 雷丸 五兩 藿香 二兩 藜蘆

一兩

半

右為細末入英粉五兩相和令勻逐日粉身上

治風熱皮膚癢痒搔之生瘡癰粉身

麻黃根 五兩 蛇床子 肆兩 白蒺藜 白礬 各二兩 白米粉

二升

右為細末用疎生絹袋盛即粉身

治風癢皮膚生瘡癰搔之腫痒柳枝湯洗之

柳枝 桃枝 蒴藿 苦參 各五兩 槐白皮 各剉細四兩

茵陳 狼毒 青箱葉 麻黃 各三兩

右細剉和勻每取一斤用水五斗煮取四斗去粗更入鹽及朴硝各二兩攪勻看冷熱於溫室中洗浴浴罷衣覆出汗瘡切慎外風

治風熱皮膚生瘡癰苦痒成疥丹參湯洗之

丹參 苦參 各四兩 蛇床子 生用三兩

右件藥用水一斗五升煎至七升去粗乘熱洗之

治皮膚風熱生瘡瘡癰或痒痛宜用垂柳湯洗之

垂楊柳

一斤

杏仁


二兩

白礬

生用  
二兩

右件用水一斗五升煎去七升去粗於無風處洗浴

極妙



證治準繩卷一百十六

欽定四庫全書

子部

證治準繩卷一百十七

纂修官太醫院思禮臣素天錫

編修臣倉聖脉覆勘

總校官進士臣朱 鈐

校對官助教臣卜維吉

謄錄監生臣徐 漢

欽定四庫全書

證治準繩卷一百十七

明 王肯堂 撰

外科

結核

獨形而小核者為結核

河間云結核火氣熱甚則鬱結堅硬如果中核也不須潰發但熱氣散則自消丹溪云結核或在項在頸在臂在身皮裏膜外不紅不痛不硬不作痛多是痰注作



核不散問其平日飲食何物吐下後用藥散核 結核

在頸項方僵蠶

炒

大黃

酒浸

青黛膽星各等分為末蜜丸

噙化

結核在下頰二陳湯加酒炒大黃連翹桔梗柴

胡 結核在臂二陳湯加連翹防風川芎酒芩蒼朮皂

角刺僵蠶麝香行太陰厥陰之積痰使結核自消甚捷

風核以去風消核散常服消之 風熱結核以大連

翹飲加僵蠶牛蒡子 凡一切風核疼痛宜以大蕎麥

根及金線釣葫蘆根磨半泔半醋煖塗之

儒者楊澤之缺盆間結一核余謂此肝火血燥而腎虛  
法當滋腎水生肝血彼反用行氣化痰外敷南星商  
陸益大如椀余用補中益氣湯六味地黃丸以滋腎水  
間用蘆薈丸以清肝火年餘元氣復而消 一男子頸  
間結核大潰一婦人左肩及髮除枯核並用蓮子清心  
飲海藻散堅丸以清肝火養肝血益元氣而愈此症  
亦有大如升斗者亦治以前藥可愈一婦年二十耳  
下結核經每過期午後頭痛服頭痛藥愈甚治以八敗

湯加柴胡地骨皮二十餘貼愈一婦因怒結核腫痛  
察其氣血俱虛先以神効散下之更以益氣養榮湯  
三十餘劑而消常治此症虛者先用益氣養榮湯  
待其氣血完充乃取神効散去其毒仍進前藥無不  
効者一兒七歲項結二核時發寒熱日久不愈治以  
連翹丸而消若患在面臂等處尤宜此丸若潰而不  
愈更以托裏之藥一兒項結一核堅硬如癰面色痿  
黃飲食不甘服托裏藥不應此無辜甘毒也以蟾

蝓丸治之而愈若數服不消按之轉動軟而不痛者內

有蟲如粉急針出之若不速去則蟲隨氣走內蝕藏府

不治

蟾蜍夏月溝渠中腹大不跳不鳴者先取糞蛆一  
杓置桶中以尿浸之桶近上令乾使蛆不得出將

蟾蜍撲殺投蛆中任蛆食盡夜次以新布袋包繫置水  
急處浸一宿取出瓦上焙為末入麝香一字軟飯丸如

麻子大每服二三  
丸空心米飲送下一婦因怒不思食發熱倦怠骨肉

痠疼體瘦面黃經漸不通頸間結核以逍遙散八珍湯

治之少可彼自誤服水蛭等藥血氣愈虛遂致不救

海藻連翹湯 治諸般結核瘰癧馬刀瘻瘤痰核

白茯苓

陳皮

去白

連翹

半夏

薑汁製

生黃芩

酒拌炒

黃連

酒炒

南星

薑製

牛蒡子

炒

柴胡

炒

三稜

酒炒

莪朮

酒炒

殭蠶

紙炒去

昆布

海藻

羌活

防風

桔梗

夏枯草 川芎 升麻

右生薑薄荷煎食後服

連翹丸

連翹

防風

去蘆

黃蘗

肉桂

去皮

桑白皮

香豉

獨活

秦艽

牡丹皮

各半

海藻

二錢

半

右為末煉蜜丸如菉豆大每服十九燈心湯送下  
五香散 治肉中忽有惡核生腫硬不消惡肉惡脉  
瘰癧風毒腫

木香 鷄舌香

沉香

各一兩

麝香

細研二錢半

射干

薰陸香 乾葛

剉

川升麻

桑寄生

連翹 生

甘草

各二兩

川大黃

三兩剉碎微炒

右剉碎入麝香研勻每服三錢水一中盞煎至五分  
去滓入竹瀝半盞更煎一二沸溫服日三

連翹散 治項上惡核炊腫

連翹 射干 獨活 川升麻 木香 沉香

木通

判各一兩

桑寄生 丁香

各半兩

川大黃

二兩判碎微炒

右為細末每服二錢清粥飲調下日三服

獨活散 治風核風結腫毒四肢煩熱拘急

獨活 木香 射干 桑寄生 連翹 升麻

沉香

川大黃

生用

甘草

生各一兩

右剉碎每服四錢水一中盞煎至六分去滓入竹瀝

半合更煎一二沸放溫服日三得快利為度

清肝益榮湯 治肝膽少陽經風熱血燥筋攣結核或

耳項胸乳脇肋作痛或作瘞子并一切肝火之症

山梔 當歸 木瓜 不犯 茯苓 各一錢 柴胡 川芎

芍藥 炒各七分 熟地黃 一錢半 白朮 二錢 龍膽草 炙甘草

五分

右薑水煎服

瘰癧



靈樞云虛邪之入於身也深熱與寒相搏久留而內著寒勝其熱則骨疼肉枯熱勝其寒則爛肉腐肌為膿內傷骨內傷骨為骨蝕有所疾前筋

疾前二字衍文也筋當作結

筋屈不得伸邪氣居其間而不及發為筋瘤有所結氣歸之衛氣留之不得反津液久留合為腸瘤久者數歲乃成以手按之柔已有所結氣歸之津液留之邪氣中之凝結日以益甚連以聚居為昔瘤以手按之堅有所結深中骨氣因於骨骨與氣并日

以益大則為骨疽有所結中於肉宗氣居之邪留而

不去有熱則化而為膿無熱則為肉疽凡此數氣者

其發無常處而有常名也

刺節真邪篇此皆虛邪中人為病弗去而久留著故積歲累月而

成疽  
瘡也

三因云癰多著於肩項瘤則隨氣凝結此等皆

年數深遠浸大浸長堅硬不可移者名曰石癰皮色不

變者名曰肉癰筋脉露結者名曰筋癰赤脉交結者名

曰血癰隨憂愁消長者名曰氣癰五癰皆不可妄決破

決破則膿血崩潰必致夭枉瘤則有六骨瘤脂瘤氣瘤

肉瘤膿瘤血瘤亦不可決潰肉瘤尤不可治治則殺人  
唯脂瘤破而去其脂粉則愈 丹溪云服潰瘤藥先須  
斷厚味

海藻丸 治瘰癧通用

海藻洗晒 川芎 當歸 官桂 白芷 細辛

藿香 白蘇 昆布洗晒 明礬煅各一兩 海蛤煅 松蘿

錢半

為細末煉蜜丸如彈子大每服一九食後含嚥下

守瘰丸 治瘰癧結硬

通草

二兩

杏仁

去皮尖研

牛蒡子

各一合

昆布

洗

射干

訶梨勒

海藻

洗各四兩

右為細末煉蜜和丸如彈子大每服一丸食後嚙化

日三

海藻酒方 治頸下卒結核漸大欲成瘰癧

右用海藻洗去鹹一斤酒二升漬一宿取一二合飲之酒盡將海藻曝乾為末每服一錢七日三即瘡如

浸用絹袋盛了浸春夏二日秋冬三日

白頭翁丸 治風癭氣瘤

白頭翁

半兩

昆布

十分洗

通草

海藻

洗各七分

連翹

玄參

各八分

桂心

三分

白蘇

六分

右為細末煉蜜和丸如梧桐子大每服五丸用酒送下忌蒜麵生葱猪魚

海藻散堅丸 治肝經癭瘤

海藻 昆布

各二兩

小麥

四兩醋浸炒乾

龍膽草

二兩

右為末煉蜜丸桐子大每服二三十丸臨卧白湯送下并噙化嚥之

五癭在頸項間皮寬不急累累而垂者是也宜破結散消癭丸海藻丸昆布丸黃藥酒藻藥散兼以針灸法同施方有効及常服復元通氣散蠟礬丸自然縮小木通散治頸下卒生結囊欲成癭

木通 松蘿 桂心 蛤蚧 白薇 琥珀

酥炙

海藻 昆布

洗各一兩

右為細末每服二錢不拘時溫酒調下

五癭丸

菖蒲二兩海蛤二兩白蘇二兩續斷二兩海藻二兩  
洗去鹽晒乾松蘿

桂心二兩倒掛草二兩蜀椒二兩半夏二兩  
各一兩神麵三兩

羊靨百杖

右為細末以牛羊脂髓為丸如芡實大每服一丸

食後臨卧嚙化服

昆布丸

檳榔 昆布 海藻

各二兩

右為末煉蜜丸彈子大每用一丸含嚥化下

藻藥散 治風癰

海藻

酒洗一兩

黃藥子

二兩黃州者佳

右為末置掌中以舌時時舐以津嚥下消三分之

二止藥先須斷厚味戒酒色

按本草黃藥子主治惡腫瘡毒斗門方以浸酒

療項下瘰氣醫學綱目及丹溪誤作黃藥蓋藥藥字相近又誤藥為連則其失愈遠矣

二海丸 治風癰



海藻 昆布

各酒洗  
晒乾

右等分為末煉蜜丸杏核大稍稍嚥汁又用海藻洗淨切碎油醋熟作常菜食之

化癭散 治癭氣

海藻

酒洗

海帶

酒洗

昆布

酒洗

海馬

酒洗

海紅蛤

石燕

各煨

海螵蛸

各一兩

右為末清茶下兼服含化丸兼灸相濟以收全功

含化丸 治癭氣

海藻 海蛤煨 海帶 昆布 瓦龍子煨 文蛤即花

蛤背有斑文 訶子去核 五靈脂各一兩 豬臍十四個 焙乾另研

右為末煉蜜丸臨卧含花時時嚥下 兼灸法以

助丸功

通氣丸 治癭氣

海藻 海帶 昆布 夏枯草 木通各一兩 訶子

薄荷各五錢 杏仁少許

右為末煉蜜丸如芡實大每用一丸嚥化 兼灸以

消癭氣方効

黃藥酒 治忽生癭氣及一二年者

右用黃州黃藥子三斤須緊重者為上如輕虛即是  
他州者力薄須加一倍以無灰酒一斗投藥在內固  
濟瓶口以糠火燒一伏時停待酒冷即令患者時  
時飲一盞勿令絕酒氣經三五日常把鏡自照覺消  
則停飲不爾令人項細也用火時不可多惟燒酒氣  
香出瓶頭有津即止火不待經宿也已驗如神忌毒

食

昆布散 治瘰癧氣去風火鬱滯散痰氣壅結

防風 荊芥 黃連

酒炒

昆布 海藻 海粉

羌活 升麻 連翹 青皮 膽星 貝母

牛蒡子

炒

夏枯草 香附子 沉香 撫芎

黃芩

酒炒

右薄荷煎服或末或丸俱可瘰癧多加南星半夏等又宜灸天突穴為妙

三因破結散

海藻洗 草龍膽 海蛤 通草 昆布 礬石枯

松蘿各三分 麥麴四分 半夏 貝母各二分

右為末酒服方寸匕日三忌鯽魚猪肉五辛生菜諸雜毒物十日知二十日愈

玉壺散 治三種癰

海藻洗 海帶洗 昆布 雷丸各一兩 青鹽 廣茂各半兩

右等分為細末陳米飲丸如榛子大噉化以煉蜜

沉香 木香

橘紅

四兩

猪鬃子

生於豚猪項下

珍珠

四十粒

砂鍋內泥封口煨過絲一枚如棗大取四十九

右為末每服一錢臨卧冷酒調搽徐徐嚥下輕者三五服重一料全愈修合須用除日忌鹹酸油膩瀋氣等物

肉瘤者隨氣凝結皮膚之中忽然腫起狀如梅李皮軟而光漸如杯卵若發腫都軟不痛者血瘤發腫日漸增長而不太熱時時牽痛者氣瘤氣結微腫久而不消

後亦成膿諸癰瘤疣贅等至年衰皆自內潰治於壯年可無後憂按之推移得動者可用取法去之如推之不動者不可取也瘤無大小不量可否而妄取之必妨人命俗云瘤者留也不可輕去不為無理治法先以鐵錐膏點瘤頂上令肉黑腐不痛方可以刀煎去黑腐又以藥塗令肉腐潰又可剪之又塗又剪瘤根去盡為度若怕針刀者却以井金散塗之令肉黑極十分腐爛方可用刀煎之刮之若稍有些肉不黑盡恐肉未死

肉未死血亦未死血未死則不可煎刮恐血來多致有  
昏暈之失其肉十分黑極十分腐爛推得動者此肌  
肉死也肌死則血死其血死乃可剪刮無妨雖血瘤肉  
瘤取之亦無妨也小瘤取之即愈大瘤取之必半載肌  
肉麻痺也宜服養氣血藥久之自愈矣 內經云肝統  
筋而藏血心裏血而主脉脾主肉而統血肺主氣而司  
腠理腎統骨而主水若怒動肝火血涸而筋攣者其自  
筋腫起按之如筋久而或有血縷名曰筋瘤用六味地



黃丸四物山梔木瓜之類若勞役火動陰血沸騰外邪所搏而為腫者其自肌肉腫起久而有赤縷或皮俱赤名曰血瘤用四物茯苓遠志之類若鬱結傷脾肌肉消薄外邪所搏而為腫者其自肌肉腫起按之實軟名曰肉瘤用歸脾益氣二湯若勞傷肺氣腠理不密外邪所搏而壅腫者其自皮膚腫起按之浮軟名曰氣瘤用補中益氣之類若勞傷腎水不能榮骨而為腫者其自骨腫起按之腎硬名曰骨瘤用地黃丸及補中益氣湯主

之夫瘤者留也隨氣凝滯皆因臟腑受傷氣血乖違

求其屬而治其本大凡屬肝膽二經結核八珍加山梔  
膽草以養氣血清肝火六味丸以養肺金生腎水若屬  
肝火血燥須生血涼血用四物二地丹皮酒炒黑膽草  
山梔中氣虛者補中益氣兼服若治失其法脾胃虧損  
營氣虛弱不能濡於患處或寒氣凝於瘡口榮氣不能  
滋養於患處以致久不生肌而成漏者悉調補脾胃則  
氣血壯而肌肉自生矣若不慎飲食起居及六淫七情

或用寒涼蝕藥蛛絲纏荒花線等法以治其外則誤矣  
長洲庠王天爵辛丑春左腿近環跳患之狀如大桃  
按之濡軟恪服除濕流氣化痰之劑惡寒發熱食少  
體倦形氣俱虛脉洪大而虛氣瘤也肺主之蓋膽屬木  
肺屬金然發於膽經部分乃肺金侮肝木元氣虧損而  
其膿已內潰矣遂用十全大補湯數劑出清白稀膿  
甚多頓加寒熱煩渴頭痛殊類傷寒狀余謂此因膿泄  
而血氣益虛耳仍用前湯其勢益甚脉洪數大按之如

無乃加附子一錢其勢愈甚而脉復如前此虛甚而藥  
未能及也更加附子二錢三劑諸症頓退乃朝用補中  
益氣湯夕用十全大補湯各三十餘劑出腐骨五塊瘡  
口將完後因不慎起居患處復潰諸症更發咽間如焚  
口舌無皮用十全大補加附子一錢服之諸症悉愈二  
日不服內病悉至患處復潰二年後又患服前藥不應  
診其尺脉微細如絲此屬命門火衰用八味丸為主更  
以十全大補湯稍愈至乙巳仍患虛寒之症而歿一

男子腿外側近髻腫一塊上有赤縷三年矣飲食起居如常觸破涌出血膿發熱惡寒此膽經受症故發於腿外側診其脉左尺洪數右關弦洪此腎水不能生肝木用補中益氣湯六味地黄丸而痊 一男子小腹患之膿水淋漓此足三陰之證用補中益氣加麥門五味以培脾土用六味地黄丸以生腎水更用蘆薈丸以清肝火而斂 一老儒肩間患之二年其狀如紫桃下墜蓋目按之如水囊此肝脾之症膿瘀內潰而然耳遂

刺出血膿目即開以炒黑膽草山梔芎歸芍藥柴胡  
白朮茯苓之類而愈嘉善周上舍兩耳下項間筋攣  
臃腫堅硬咳嗽氣喘內熱盜汗所服皆化痰散堅行氣  
之劑勢益甚診之左關弦澁左尺洪數此怒氣傷肝  
房勞損腎須滋腎水生肝血慎調攝至水旺之際庶可  
愈矣彼欲速効乃外敷商陸石灰等藥內服海藻蓬  
朮之類至秋金旺之際元氣愈虛其腫愈甚而歿

黃江某上舍缺盆間癰如覆甌堅硬色赤內熱晡熱

自汗盜汗就治於余前所服藥皆散堅行氣降火破血之劑欲其內消而反甚其脉左尺洪數按之而弱左關洪數按之而溢此怒氣傷肝血燥而筋攣也因其急於仕進予辭不能治彼亦不信後果歿此症若補脾肺滋肝腎則未得水而數華筋得血而滋潤多有得生者 張子和治驗一婦人年四十餘有瘤三處戴人令以鹹吐之三吐三汗三下癭已消半次服化癭之藥遂大消去夫病在上者皆宜吐亦自有消息之法耳

又在西華衆人皆訕以為吐瀉而已一日魏壽之與戴人入肆中見一夫病一瘤正當目上網內背色如灰李下垂覆目睛不能視物戴人謂壽之曰吾不待食熟立取此瘤魏未之信也戴人曰吾與爾取此瘤何如其人曰人皆不敢割戴人曰吾非用刀割別有一術其人從之乃引入一小室中令俛卧一床以繩束其脗刺委中大出血先令以手揉其目瘤上亦刺出雀糞立平出戶壽之大驚戴人曰人之有技可盡窺乎 郃城戴人



之鄉也一女子未嫁年十八兩手背皆有瘤一類雞距  
一類羊角腕不能馴向明望之如桃膠然夫家欲棄  
之戴人見之曰在手背者為膠瘤在面者為粉瘤此  
膠瘤也以銚鍼十字刺破按出黃膠膿三二匙立平瘤  
核更不再作婚事復成非素明者不敢用此法耳  
清上消鬱湯 治痰火氣血鬱結作核成瘤脉弦而滑  
在上部者

昆布洗 玄明粉 陳皮 半夏薑 黃連 海藻

製

我朮 川芎 香附 青黛 白芥子

右薄荷煎服

解下除濕湯 治濕熱鬱結氣血凝滯作核成瘤在下  
部者

海藻<sup>洗</sup> 黃檗 三稜 香附 青皮 梔子<sup>炒</sup>

連翹 檳榔 木通

右薄荷煎服

南星散 治皮膚頸項面上瘤大者如拳小者如粟

或軟或硬不癰不痛宜用此藥切不可輒用針灸  
多致不救

生南星

大者一枚

右研細爛入好醋五七點杵如膏先以細針刺患處  
令氣透却以膏藥攤貼覺痒則頻換貼取効

枯瘤膏

治六瘤瘰癧痔漏腫核

此膏以代刀

草烏

四兩

川烏

二兩

乾桑耳

桑朽木

各一兩半

礞石灰

桑柴灰

蕎麥稽灰

各一

右將草烏川烏桑耳桑朽木共燒成灰和礱石灰  
桑柴灰蕎麥稽灰一處裝入酒漏內以棕塞其漏竅  
用水二斗煎透淋汁慢火熬濃以十碗取一碗為度  
以厚實磁器收貯密封固如用礱石灰調勻為糊  
點瘤頂上以濕紙數重貼藥上如若未乾不須貼  
若瘤久塗乾以唾調塗直待十分黑腐以刀剪刮取  
之腐肉未盡又點又刮如怕剪刮者却以膏藥貼  
之去盡腐肉為度

井金散 治六癰瘰大有神効

土黃

錢三

硃砂

生晒乾

雄黃

錢各二

輕粉

硃砂

乳香

沒藥

錢各一

麝香

片腦

許各少

為末以唾調為稀糊塗癰頂上唾濕紙兩重蓋之  
後用黃龍膏貼紙上間日一度上藥次添藥徹的周  
迴大如韭葉如此上之無復漸漸折之後根搖自  
然有裂豐隨後自下來若腐肉未盡去者揆針頭  
散於瘡口腐肉上貼膏藥一日一換直待腐肉去盡為度

造土黃法

信石

生二兩

礪砂

生二錢

木鱉子肉 巴豆肉

各五錢

右以信礪研末以木鱉巴豆搗成膏入石腦油和作一塊油紙數重包裹埋於土坑內四十九日取出磁器收貯聽用如無石腦油亦可

黃龍膏 涼風退腫

黃檗 黃芩 大黃

右末蜜水調為糊餅貼紙上

又枯瘤方

砒 礞砂 黃丹 雄黃 輕粉各一錢 硃砂

乳香 沒藥

各一錢 蟹螯 生用三十箇

右研為末糯米粥為丸捏作棋子樣爆乾先灸破瘤頂三炷以藥餅蓋上用薰藥末以水調貼之數日自然枯乾

一方以銅綠為末草刺瘤破頂上以膏藥塗之

又點瘤贅方神驗

桑柴灰 棗樹灰 黃荊灰 枳殼灰

各二升半

右以沸湯淋汁五碗許澄清入蟹螯四十個穿山甲五片乳香腦子不拘多少約五碗煎作二碗用磁器盛之乳香腦子候冷入之後臨用時入新石灰調成膏神妙傳瘡上乾以清水潤之其効如神

龍骨散 生肌肉

訶子肉

龍骨

生細茶各等分

右末乾揅



麻藥

南星 半夏 川烏 川椒 石灰 草烏

各等分

右六味各生為末水調塗瘤上用藥則不痛

止血藥

京墨

煨

百草霜

各等分

右為末揆之即以手按佳

桃紅散 止血大効

石灰

十兩

麻油

大黃

五錢水浸透取汁各半盞

右將石灰炒紅入麻油大黃汁和勻慢火炒如桃花色磁器收貯聽用

灸法瘰癧惡氣肩顙

男左穴十八壯右十七壯  
女右穴十八壯左十七壯

又法天府

十七壯衝陽隨年壯

天窓

一作天容千金作天府

及臍會主之瘰癧氣舍主之

本事治梁報面生贅瘤方用艾丸灸十壯即用醋磨

硫黃傾紙上剪如螺蛳鑿子大貼所灸處更用膏藥重

貼二日一換候痒極出膿如菜豆粉即愈硫黃羅謙甫

作雄黃

肱

肱音休俗呼雞眼子是也

手太陽之別名曰支正上腕五寸虛則生肱小者指痂  
疥取之所別也 肘後方手足生肱食鹽傳之舌舐之  
只三次瘡 初虞世方用雞胃中食指肱上指餘者以  
石壓之驗 鬼饅頭尖上劈破有白汁出頻拭之佳  
薛肱屬肝膽少陽經風熱血燥或怒動肝火或肝客淫  
氣所致蓋肝熱水涸腎氣不榮故精亡而筋攣也宜以

地黃丸滋腎水以生肝血為善若用蛛絲纏螳螂蝕著  
父灸必多致誤大抵此症與血燥結核相同故外用腐  
蝕等法內服燥血消毒則精血愈虛肝筋受傷瘡口平  
突開張卒成敗症 府庠朱宏仁年二十右手背近中  
指患五疔中一大者如黃豆餘皆如聚黍拔之如絛長  
三四寸許此血燥筋縮用清肝益榮湯五十餘劑而愈  
府庠沈姬文幼嚙指甲及長不能自禁余曰此肝火  
血燥也又頸側常生小疣子屢瘰屢發又臂生一塊如

菜豆大若觸碎如斷束縷扯之則長縱之則縮後兩腮發白點求治余曰子素肝病此部亦屬肝膽分也夫爪為筋之餘膽行人身之側正與嚙爪生疣等症相應但滋補腎水以生肝膽則諸病自愈矣乃與六味地黃丸服之二年白點自退疣亦不生一男子臉患疣初如赤椹雜用敷貼之藥翻張如菌又用腐蝕煖大如瘤此足三陰經虛症悉具始以補脾肺生肝腎等劑而尋愈一男子小腹中一塊不時攻痛或用行氣化痰等藥

不應或以為血鼈服行氣逐血之劑後手背結一肘子  
漸長寸許形如鼈狀肢節間如豆大者甚多彼泥鼈  
子行發於外亦用行血虛證悉至左尺洪數關脉洪數  
弦余以為腎水不能生肝木以致肝火血燥而筋攣用  
六味地黄丸生腎水滋肝血三月餘諸症悉愈一男  
子因勞後過度面色青黑發熱咳嗽面生疣子腹內一  
塊攻上攻下作痛口乾小便祕澀服消尅之藥愈甚  
察其脉左右關俱弦洪元氣弱甚此肝脾受病而筋

攣也投以加味逍遙散合地黃丸料元氣遂復若誤  
以為血鼈之類消之必致不起一男子素膏梁醇酒  
先便血便結驚悸少寢後肛門周生小顆如疣子如  
鼠乳大小不一用清熱消毒等藥半載之間連內股亦  
然又用化痰之藥寒熱吐痰頸間俱作肝腎脉浮數  
按之而弱余以為足三陰經血虛火熾法當滋化源彼  
不信別服四物黃蘗知母之類諸症蜂起此胃氣復  
傷各經俱病也先用補中益氣湯三十餘劑諸症漸愈

乃朝用前湯夕用八珍湯又各五十餘劑諸症尋愈於是夕改用六味丸加五味子又半載諸症悉愈一婦人左手背并次指患五六枚如熟椹內熱晡熱月經素不及期余曰此因肝脾血虛而有熱也當調補二經使陰血生而諸症自愈不信乃用艾灸手腫服發熱手指皆攣兩脇項及胸乳間皆患朮經行無期余用加味逍遙散少加炒黑黃連數劑漸愈乃去黃連更佐以歸脾湯其患漸愈又百餘劑經行如期再用地黃丸三



料而痊 一婦人小腹內一塊或時上攻或時下墜寒熱胸痞小便淋漓或用行氣化痰等劑前證愈甚月經兩月餘而一行或以為內有瘀惡阻其血而經不行服驅逐之劑下血甚多兩手背結一朮如大豆許兩月漸長寸許又兩月餘又患數枚疑以鼈子行於外仍行驅逐兩耳下各患腫又疑為瘡毒余曰此屬肝火血燥也用加味逍遙加味歸脾二藥兼服佐以六味丸三月餘而愈 一婦人患之用蛛絲纏芫花線螳螂咬

毒藥蝕著父灸大潰腫痛發熱出血余曰此陰血虛也  
不信仍服降火之藥而歿

瘰

世取瘰餅藥

糯米

百粒

石灰

大拇指

巴豆

三粒去殼研

右為末入磁瓶同窖三日每以針簽藥粟許貼上自

然蝕落

潔取靨

風化石灰

一花碱半兩

右為細末上三次如天色冷濕用

用石灰水調一盞如稠粥揀好糯米全者半置灰中半置灰外經宿灰中米色變如水精若人手面上有黑靨子及紋刺者微以針頭撥動置藥少許於其上經半日許靨汁自出剔去藥不用且不得著水二三日愈又方用水蛭一條雞子一枚開一小頭內水蛭以皮紙蓋合封之直至水蛭食盡雞清乾盡自死乃用之

手足皴裂

夫秋冬風寒燥烈人手足為之皴瘃者血少膚腠虛故易傷也外潤以膏澤內服益氣和血之藥可也

東垣潤肌膏治手足皴澁皮膚裂開疼痛不能見風

珠子瀝青

四兩

白黃蠟

八錢

乳香

二錢

右三味於鐵器內用文武火先下瀝青在鐺內隨手便下黃蠟乳香次入清芝麻油一二匙候瀝青盡始開微微熬動放大淨水一盆於其傍以攪藥用匙取

一二滴滴於水中試之如硬再入油如軟硬合宜用  
新絹濾淨入水中曲折扯之以白為度油當旋旋入  
勿令軟了以甕器內盛之或油紙裏亦得每用不拘  
多少先於火上炙裂子暖却捻合裂子藥亦火上  
炙軟塗於裂子上用紙少許貼之自然合矣

東垣老人路次方城北獨樹店之客舍有推小車  
者皮膚皴裂疼痛兩手不能執轅足不能履地而  
車上宿制此藥傳之即効明日遂行自後屢用俱

効故錄於此

初虞世治手足皴裂春夏不愈者

生薑汁 紅糟 白鹽 豬膏

臘月者佳

右研爛炒熟擦入皴內一時雖痛少頃便皮軟如合再用即安

治手足寒皴裂台椒三四合煮浸半食頃須臾再浸又

傳以羊豬髓脂甚妙

梅師方

又治脚跟皴裂用頭髮一大握桐油一碗於瓦器內熬

候油沸頭髮焦爛出火攤冷以瓦器收貯不令灰入每用百沸湯泡洗皴裂令軟傅其上即安一方加水粉又脚裂爛蒸藕研成膏傅之

又用五倍子為末同牛骨髓填縱內即好

又治脚指縱爛於搗鵝時取鵝掌黃皮焙乾燒存性為末濕則摻之一方用生桐油塗之妙

黃蠟膏 治冬月手坼裂

右用清油半兩盞內慢火煎沸入黃蠟一塊同煎鎔

入光粉五倍子末少許熬令稠紫色為度先以熱湯洗火上烘乾即用藥傳以紙貼之其痛立止入水亦不落若合藥入粉多則硬而成塊旋以火灸動挑傳不妨一方無五倍子

### 凍瘡

子和經曰寒瘡流水俗呼為凍瘡或經年不愈者用野中淨土晒乾以大蒜研如泥捏作餅子如大觀錢厚薄量瘡口大小貼之以艾火加於餅上灸之不計壯數以



泥乾為度去乾餅子再換濕餅子灸不問多少直至瘡  
痴覺痛痒是瘡可治也然後口含漿水洗漬用雞翎二  
三莖縛作刷子於瘡上刷洗淨以此洗刷不致肌肉損  
傷也以軟帛拭乾用木香檳榔散傅之如夏月醫之更  
妙

治足跟紅腫凍瘡灸足跟

左足指面後跟赤白肉際骨  
下刺入叁分彈針出血可灸

壯三七

足跟凍瘡潰破用蔥椒湯洗刮去腐肉用三稜針出血

將馬屁勃入生牛骨髓調和傳之効

禹錫取臘月牡鼠死者一枚油一大升煎之使爛絞出  
骨再煎成膏塗凍瘡及拆破瘡

治凍瘡用茄根燒灰洗了用雀兒腦髓塗之

丹治凍瘡用煎熟桐油調蜜佗僧傳

山用五倍子煎湯洗

如神散

羅氏

治凍瘡皮爛痛不可忍用川大黃不拘多

少為細末新水調掃凍破瘡上痛止立効

子和戴人女僮足有凍瘡戴人令服舟車丸濟川散大下之遂愈人或疑之戴人曰心火降則寒消何疑之有  
雄腦膏 治凍瘡久不瘥年年發歇先痒後痛然後腫破出黃水及血出不止

雄雄腦

一枚  
研炒

黃蠟

各等  
分

清油

減  
半

右同於慢火上熬成膏去滓入瓷器中盛每用塗瘡上

栢葉膏 治凍瘡手足指欲墮及耳欲落

栢葉

炙乾為末四兩

杏仁

去皮研四拾箇

頭髮

一拳大

食鹽

半兩研

乳

香

二錢半研

黃蠟

一兩

油

一升

右先煎油沸次下前五味藥待髮盡再下黃蠟攪勻  
磁盒收先以熱小便洗瘡以綿挹乾後以藥塗即以  
軟帛裹勿令寒氣侵入每日一換如瘡漸差三四日  
一換

橄欖散

治脚凍瘡

右用橄欖核燒灰存性為末入輕粉油調塗

一女年數歲嚴寒上京兩足受凍不仁用湯泡漬至春  
十指俱爛牽連未落予用托裏之劑助其陽氣自潰脫  
得保其生此因寒邪遏絕陽氣不至又加熱湯泡漬故  
死而不痛也余嘗見人之嚴寒而出凍傷其耳不知痛  
痒若以手觸之其耳即落當以煖處良久或熱手熨之  
無恙若以火烘湯泡其耳即死至春必潰脫落矣北方  
寒氣損人若此可不察之

漆瘡

將馬屁勃入生牛骨髓調和傳之効

禹錫取臘月牡鼠死者一枚油一大升煎之使爛絞出  
骨再煎成膏塗凍瘡及拆破瘡

治凍瘡用茄根燒灰洗了用雀兒腦髓塗之

丹治凍瘡用煎熟桐油調蜜佗僧傳

山用五倍子煎湯洗

如神散

羅氏

治凍瘡皮爛痛不可忍用川大黃不拘多

少為細末新水調掃凍破瘡上痛止立効

子和戴人女僮足有凍瘡戴人令服舟車丸濟川散大下之遂愈人或疑之戴人曰心火降則寒消何疑之有

雄腦膏

治凍瘡久不癒年年發歇先痒後痛然後腫

破出黃水及血出不止

雄雄腦

一枚  
研妙

黃蠟

各等  
分

清油

減  
半

右同於慢火上熬成膏去滓入瓷器中盛每用塗瘡

上

栢葉膏

治凍瘡手足指欲墮及耳欲落

栢葉

炙乾為末四兩

杏仁

去皮研四拾箇

頭髮

一拳大

食鹽

半兩研

乳

香

二錢半研

黃蠟

一兩一分

右先煎油沸次下前五味藥待髮盡再下黃蠟攪勻  
磁盒收先以熱小便洗瘡以綿挹乾後以藥塗即以  
軟帛裹勿令寒氣侵入每日一換如瘡漸差三四日  
一換

橄欖散

治脚凍瘡

右用橄欖核燒灰存性為末入輕粉油調塗



一女年數歲嚴寒上京兩足受凍不仁用湯泡漬至春  
十指俱爛牽連未落予用托裏之劑助其陽氣自潰脫  
得保其生此因寒邪遏絕陽氣不至又加熱湯泡漬故  
死而不痛也余嘗見人之嚴寒而出凍傷其耳不知痛  
痒若以手觸之其耳即落當以煖處良久或熱手熨之  
無恙若以火烘湯泡其耳即死至春必潰脫落矣北方  
寒氣損人若此可不察之

漆瘡

聖濟總錄治漆瘡諸方

生柳葉三斤冬用皮煎湯適寒溫洗之

芒硝五兩湯化浸洗之

豬膏一味熬去滓傳冷塗貼之

生螃蟹一味取黃塗傳日三五次

荷葉燥者一斤煮水洗之以貫衆末摻之乾則油和

塗

雞子黃塗瘡上乾則易之不過三次

黃蘗水煎湯頻洗之

一方穀精草煎湯洗甚速効

又方用白礬煎湯浸洗

又方用杉木煎湯洗之効

又方用莽草葉煎湯洗

又方用無名異末水調傳

又方用羊乳傳之愈亦治蜘蛛瘡飲之尤妙

治漆瘡凍瘡犬咬瘡並用秫米嚼爛塗傳

治漆瘡久不差用漆草搗爛傳患處立効

### 發瘕

瘡瘍發瘕因氣血虧損外邪所搏或內虛鬱火所致其形牙關緊急四肢勁強或腰背反張肢體抽搐其有汗而不惡寒者曰柔瘕風能散氣故有汗也其無汗而惡寒者曰剛瘕寒能瀋血故無汗也皆由亡血過多筋失所養故傷寒汗下過多與潰瘍產後多有之乃敗症也若大補氣血多有復生者若作風治速其危矣 秋官

張同野舊有流注因暴寒睡炕口目抽搐手足戰掉余  
以為氣血虛熱而然用參芪歸朮川芎山梔柴胡半夏  
天麻炙甘草治之愈 吳瞻之給事墜馬傷首出血過  
多發熱煩燥肉瞤筋惕或作破傷風欲發汗驅風余曰  
此亡血火動也無風可驅無汗可發當峻補其血用聖  
愈湯二劑頓愈又用健脾胃養氣血而全愈 一儒者  
背瘡將愈發熱煩燥自用降火之劑項強口噤自汗惡  
寒此汗多內亡津血筋無所榮也用補氣血之劑及地

黃丸而愈 一男子素勤苦早行遍身發疙瘡口喑  
目直脉弦緊此勞傷氣血內熱外邪所搏也用補中益  
氣加山梔羌活川芎而愈半載後遍身作痒一儒者  
發熱作渴脉洪大而虛復以前湯加芍藥麥門熟地  
天冬而愈 一儒者善怒患瘰癧復因大怒跳躍忽  
仆地兩臂抽搐眼口喎斜左目緊小此肝火血虛內熱  
生風用八珍散加牡丹皮釣藤山梔而愈次年春前  
病復作兼小便自遺左關脉弦洪而數余謂肝火血燥

用六味丸加釣藤五味麥門冬歸治之漸愈又用補中益氣加山梔釣藤牡丹皮而安一瘧婦因怒仆地瘡口出血語言謇澁口眼喎斜四肢拘急汗出遺尿或用驅風之劑六脉洪大肝脉尤甚此肝火熾盛也用加味逍遙散加釣藤及六味丸尋愈一婦人患內痔因勞出血甚多不時發瘰飲食少思形體倦怠其面色白余謂此氣傷而不能統血也用補中益氣湯反寒熱出血此陽氣虛寒也仍以煎湯加生薑四劑寒熱漸

止飲食漸進又四劑而血頓止後因勞役或怒氣即便  
血或發瘰投以補中益氣湯加釣藤而愈 一婦人素  
性急患偏身瘙癢或生結核常服搜風順氣之劑後  
大怒吐血唇口牽緊小便頻數或時自汗此怒動肝火  
而血妄行也用小柴胡湯加山梔牡丹皮而愈 一瘰  
婦因勞兼怒四肢攣屈頭痛自汗小便短少畏見風寒  
脉浮弦緩此氣血虛而風寒濕熱相搏也先用東垣清  
燥湯漸愈再用加味逍遙散及八珍湯加牡丹皮而瘰



一婦人素有肝火兩肋間或腫痛或寒熱忽然昏憤  
瘕瘕抽搐善伸數欠四肢筋攣痰涎上升此肺金燥  
甚而血液衰少也用清燥丸六味丸兼服尋愈一婦  
人或大勞患臙瘡發疔瘡搔碎成瘡日晡熱甚或口燥  
發搐或頭目眩暈此肝脾氣血虛而內熱以八珍散加  
柴胡山梔治之諸症少愈復因怒前症復作經行不  
止此肝脾血熱用加味逍遙散漸愈又用八珍散加柴  
胡山梔而痊一婦人發疔瘡日晡熱甚月經先期或

頭目昏眩或寒熱發熱或四肢抽搐此肝經風熱血燥  
用加味逍遙散治之尋愈復因怒前證復作口噤遺尿  
此肝火血燥也用加味小柴胡湯治之而愈又夜間發  
熱譫語此血分有熱也用小柴胡湯加生地而愈更以  
加味逍遙散調理而安一婦人患繭唇月經先期余  
以為肝火血熱不信乃泛用降火之劑反致月經過期  
復因勞怒口噤目張四體不隨六脉洪大面口赤色用  
八珍加五味山梔丹皮麥門數劑漸愈兼用逍遙散

六味丸料各三十餘劑全愈 一婦人經行遇怒其經  
即止甚則口噤筋攣鼻衄頭痛痰涌抽搐瞳子上視  
此肝火熾甚以小柴胡加熟地黃山梔仁釣藤鈎而愈  
一婦素陰虛患遍身搔痒誤服祛風之藥口噤抽搐  
肝脉洪數余曰肝血為陰為水肝氣為陽為火此乃肝  
經血虛火盛耳宜助陰血清肝火遂用四物麥門五味  
柴胡山梔生草熟地頓止又以八珍加黃芪麥門五味  
釣藤炙草調理而愈 一婦人久患流注脾胃虛弱忽

痰壅氣喘頭搖目劓手揚足擲難以候脉視其面黃  
中見青此肝木乘脾土也用六君加柴胡升麻治之  
而甦更以補中益氣加半夏茯苓而安

類破傷風

破傷風已載雜病第五此其似是而非者爾

薛大凡癰疽潰後筋弛肉爛膿血大泄陽隨陰散或  
筋脉拘急惡寒掣搐甚者舌強口噤項背反張痰涎壅  
盛便閉汗出不收發熱此氣血俱虛而傳變雖與破傷

風相類而主治之法當大補氣血若果係風症亦須以大補氣血為本而兼以治風之藥設若不審是非而妄藥之則誤矣司徒邊華泉肩患癰潰而發熱目直或睵殊類中風日晡熱甚脉益數此足三陰氣血虧損虛火妄動用參芪歸朮炙草加酒炒黑黃蘗五味麥門肉桂四劑而愈又數劑而斂陸大行背瘡肉潰出膿二盃許用托裏之劑痛止腫消停藥忽寒熱作渴頭痛自汗此元氣虛而未能復也用十全大補加麥門五味

肉桂二劑益甚診其脉如故此藥力未及仍用前藥加附子一錢三劑諸症悉愈乃去附子加肉桂數劑而斂一儒者患腿癰深蓄於肉肉色不變久不穿潰針出膿瘀五碗許惡症駢臻全類中風此脾胃虛而變症也用六君子加當歸炮薑及聖愈湯各四劑而安又勞心不寐用當歸腳湯而愈一儒者傷寒後患流注腫痛潮濕用十宣散敗毒等藥出稀膿五六碗許發熱惡寒煩躁作渴殊類破傷風症而斃一男子背瘡已

痊飲以膏藥剪孔貼之患破傷風症而致此先失於  
內補外邪襲其虛耳余見此症貼膏藥剪孔欲其通  
氣而反患破傷風收飲藥生肌欲其收口而反助其陰  
毒以致致者多矣可不慎哉

水入瘡

皂子散 治水毒入瘡腫痛或刺入骨者

皂莢子

粒

大乾蝦蟇

一枚

胡椒

粒

十五

右用乾鍋入藥在內不蓋鍋口慢火燒烟盡取出研

細每用藥先以溫漿水洗瘡口揩乾摻藥次以別膏藥貼之良久水盡出有刺者即自見

鉛丹散 治破傷入水腫潰不愈

鉛丹 蛤粉等分

右同炒令變色摻瘡口上水即出漸愈

去水膏 治癰疽破冗後誤入皂角水及諸毒水以疼痛及驢馬尿糞一切毒水入瘡並治

糯米粉 砂糖 各三  
甘草 生末  
一分



右為膏攤在絹上貼毒水出効馬汗入瘡

治馬汗入瘡毒氣攻腫痛方

右用馬鞭上手執處皮燒灰研細和猪膏塗瘡上

治馬鞭稍燒灰猪脂和塗瘡上

治驢牛馬汗入瘡

右用乾冬瓜燒灰洗淨瘡口擦藥在內一方用冬瓜

青皮陰乾為末傅之

證治準繩卷一百十七